

## Član 8.

(Troškovi sječe ili potkresivanja stabala i niskog rastinja)

- (1) Troškove sječe ili potkresivanja stabala i niskog rastinja snosi vlasnik ili korisnik zemljišta na kojem se stablo ili nisko rastinje nalazi, investitor novog objekta, upravnih zgrade, odnosno komunalno preduzeće u čijoj je nadležnosti održavanje stabala u skladu sa godišnjim Planom i programom održavanja javnih zelenih površina Kantona Sarajevo.
- (2) Troškove sječe ili potkresivanja stabala i niskog rastinja, koja se nalaze na javnim površinama, koje nisu predviđene godišnjim Planom i programom održavanja javnih zelenih površina Kantona Sarajevo, snosi Općina.
- (3) Komunalno preduzeće, u čijoj je nadležnosti održavanje stabala, je obavezno godišnji Plan i program održavanja javnih zelenih površina Kantona Sarajevo usaglasiti sa Općinom.

## Član 9.

(Sječa ili potkresivanja stabala i niskog rastinja koja se ne nalaze na javnim površinama)

- (1) Na zahtjev zainteresovanog lica ili po službenoj dužnosti općinski organ nadležan za poslove donošenja odobrenja o sječi, ili potkresivanju stabala ili niskog rastinja može naložiti vlasniku ili korisniku zemljišta na kojem se stablo ih nisko rastinje nalazi, da o vlastitom trošku izvrši sječu ili potkresivanje dijela stabala ili niskog rastinja, ako njegovi dijelovi (žile, korijenje, rastinje, grane i dio debla) izlaze na javnu površinu ili u zračni prostor iznad javne površine.
- (2) Ukoliko vlasnik ili korisnik zemljišta na kojem se stablo i nisko rastinje nalazi ne postupi po odobrenju iz prethodnog stava ovog člana, sječu i potkresivanje stabala i niskog rastinja izvršiće o trošku izvršenika općinski organ uprave nadležan za poslove putem nadležnog komunalnog preduzeća, koje je osposobljeno za sječu i potkresivanje stabala i niskog rastinja.
- (3) Ukoliko je zemljište, na kojem se stablo i nisko rastinje nalazi, napušteno ili je vlasnik zemljišta nepoznat ili nedostupan općinskim organima uprave, a stablo i nisko rastinje izlazi na javnu površinu, a sječa i potkresivanje stabala i niskog rastinja neophodna i od interesa za zdravlje i sigurnost građana, izvršit će se sječa i pokresivanje stabala i niskog rastinja o trošku Općine, a na teret izvršenika, u slučaju dostupnosti istog pred nadležnim sudom u izvršnom postupku.

## Član 10.

(Odobrenje za sječu ili potkresivanje stabala i niskog rastinja)

- (1) Odobrenjem za sječu ili potkresivanje stabala i niskog rastinja utvrđuju se:
  - a) lokacija i vrsta predmetnog stabla ili niskog rastinja,
  - b) izvođač radova na sječi ili potkresivanju stabala i niskog rastinja,
  - c) prometni uslovi - režim saobraćaja za slučajeve kada općinska služba, nadležna za izdavanje odobrenja za sječu i potkresivanje stabala i niskog rastinja, ocijeni da za izvođenje radova na sječi ili potkresivanju stabala i niskog rastinja može ugroziti bezbjednost učesnika u saobraćaju, prethodno potrebno pribaviti odobrenje nadležnog organa za izmjenu režima saobraćaja.

## Član 11.

(Izvođenje sječe ili potkresivanja stabala i niskog rastinja)

- (1) Sječa i potkresivanje stabala i niskog rastinja vrši se putem nadležnog komunalnog preduzeća ili drugog pravnog lica registriranog i osposobljenog za obavljanje ove vrste poslova.
- (2) Prilikom izvođenja radova na sječi i potkresivanju stabala i niskog rastinja, izvođač je dužan pridržavati se svih bezbjedonosnih mjera.
- (3) Sve štete koje nastanu pri sječi ili potkresivanju stabala i niskog rastinja usljed nepažnje ili nepoduzimanja neophodnih mjera sigurnosti snosi pravno lice iz stava (1) ovog člana.

## Član 12.

(Nadzor)

- (1) Nadzor nad provođenjem odredaba ove odluke vrši nadležna komunalna inspekcija ako se radi o javnim površinama, odnosno nadležna saobraćajna inspekcija upravitelja cesta.

## Član 13.

(Pravila postupka)

- (1) Odobrenje za sječu ili potkresivanje stabala i niskog rastinja, nadležna općinska služba donosi po pravilima Zakona o upravnom postupku Federacije Bosne i Hercegovine ("Službene novine Federacije BiH", broj 2/98 i 48/99).
- (2) Žalbe uložene na upravne akte nadležne općinske službe donesene na osnovu ove Odluke, u drugom stepenu rješava Drugostepena stručna komisija Općinskog vijeća Novi Grad Sarajevo.

## Član 14.

(Započeti postupci)

- (1) Ako je do stupanja na snagu ove odluke pokrenut upravni postupak kod nadležnog organa, a nije doneseno prvostepeno rješenje ili je rješenje poništeno i vraćeno prvostepenom organu na ponovni postupak, postupak će se nastaviti po odredbama ove Odluke.

## Član 15.

(Stavljanje propisa van snage)

- (1) Stupanjem na snagu ove Odluke prestaje da važi: Odluka o sječi i potkresivanju stabala na području Općine Novi Grad Sarajevo ("Službene novine Kantona Sarajevo", br. 5/07 i 30/15).

## Član 16.

(Stupanje na snagu i objavljivanje)

- (1) Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-5129/18  
27. februara 2018. godine  
Sarajevo

Predsjedavajući  
Općinskog vijeća  
Dr. Rusmir Baljić, s. r.

Na osnovu člana 8. i člana 13. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09), člana 16. i 17. Zakona o poticaju razvoja male privrede ("Službene novine Kantona Sarajevo", br. 29/15), člana 17 i 33. Statuta Općine Novi Grad Sarajevo ("Službene novine Kantona Sarajevo", br. 30/09 - Novi prečišćeni tekst i 2/17) i Odluke o usvajanju revidirane Strategije razvoja Općine Novi Grad Sarajevo (2014-2020.) sa Akcionim planom prioritarnih projekata i mjera za period 2017-2020. godine ("Službene novine Kantona Sarajevo", br. 18/17), Općinsko vijeće Novi Grad Sarajevo, na 14. sjednici održanoj dana 27.02.2018. godine, donosi

## ODLUKU

O PODSTICAJIMA PRIVREDI I ZAPOSŁJAVANJU NA  
TERITORIJI OPĆINE NOVI GRAD SARAJEVO

## Član 1.

(Predmet Odluke)

S ciljem podrške bržeg lokalnog ekonomskog razvoja, ovom Odlukom se uređuju mjere podsticaja privredi i zapošljavanju na teritoriji općine Novi Grad Sarajevo te utvrđuje finansijski okvir, korisnici mjera i druge odredbe od važnosti za efikasnu provedbu.

## Član 2.

(Svrha donošenja Odluke)

Općina Novi Grad Sarajevo, kao proaktivna lokalna samouprava i nosilac međunarodnog certifikata BFC SEE "Općina sa povoljnim poslovnim okruženjem", ovom Odlukom trajno podstiče dinamiku zapošljavanja i razvoj lokalne privrede,

definisano kroz strateški prioritet Strategije razvoja Općine Novi Grad Sarajevo 2014-2020. i Akcioni plan 2017-2020. godine.

#### Član 3.

(Finansijski okvir)

Finansijska sredstva za realizaciju ove Odluke osiguravaju se u Budžetu Općine Novi Grad Sarajevo.

#### Član 4.

(Podsticajne mjere)

Služba za privredu i lokalni ekonomski razvoj vrši planiranje, provedbu, monitoring i dostavljanje informacije o realizaciji ove Odluke Općinskom vijeću.

Navedena Odluka se realizuje putem sljedećih podsticajnih mjera:

1. Podsticaj privrednim subjektima putem regresiranja dijela kamatne stope
2. Podsticaj START UP firmama putem regresiranja dijela kamatne stope uz mogućnost korištenja kreditno-garantnog fonda
3. Sufinansiranje zapošljavanja pripravnika
4. Sufinansiranje obuke nezaposlenih osoba za poznatog poslodavca
5. Sufinansiranje troškova samostalnih poduzetnika - početnika u biznisu
6. Podrška za uvođenje certifikata, međunarodnih standarda i dr.
7. Podrška očuvanju starih tradicionalnih zanata, obrta i deficitarnih zanimanja
8. Promocija privrede i lokalnog ekonomskog razvoja
9. Projekti od značaja za lokalni ekonomski razvoj (učešće u domaćim i međunarodnim projektima iz oblasti privrede i zapošljavanja, partnerski projekti s drugim institucijama, JU Službom za zapošljavanje Kantona Sarajevo, organizacijama i poslodavcima, organizovanje nagradnog fonda za finansiranje najboljih biznis planova, organizacija sajмова i drugo shodno aktuelnim potrebama).

#### Član 5.

(Korisnici mjera)

Pravo apliciranja za korištenje podsticajnih mjera imaju sljedeći korisnici:

1. "Podsticaj privrednim subjektima putem regresiranja dijela kamatne stope": Privredna društva i samostalni poduzetnici, koji imaju sjedište ili poslovnu jedinicu na području općine Novi Grad Sarajevo ili se nalaze u procesu preregistracije sjedišta na teritoriju ove općine.
2. "Podsticaj START UP firmama putem regresiranja dijela kamatne stope uz mogućnost korištenja kreditno-garantnog fonda": Fizička lica uz izradeni biznis plan, koja imaju prebivalište na teritoriji općine Novi Grad Sarajevo ili se nalaze na evidenciji Službe za zapošljavanje KS – Biro Novi Grad Sarajevo (Biro Novi Grad Sarajevo) i/ili firme osnovane unazad godinu dana s sjedištem na teritoriji općine Novi Grad Sarajevo.
3. "Sufinansiranje zapošljavanja pripravnika": Privredna društva i samostalni poduzetnici s teritorije općine Novi Grad Sarajevo, koji su aplicirali i ispunili uslove na Javnom pozivu Službe za zapošljavanje KS.
4. "Sufinansiranje obuke nezaposlenih osoba za poznatog poslodavca": Privredna društva, samostalni poduzetnici i/ili Centri za obuke, dokvalifikacije i prekvalifikacije koji obučavaju i/ili zapošljavaju isključivo osobe s Biroa Novi Grad Sarajevo.
5. "Sufinansiranje troškova samostalnih poduzetnika - početnika u biznisu": Lica koja imaju prebivalište na općini Novi Grad Sarajevo ili se nalaze na Birodu Novi Grad Sarajevo, a koji su u tekućoj godini registrovali obrt, trgovinsku ili ugostiteljsku radnju. Prednost imaju samostalni poduzetnici sa sjedištem na teritoriji općine Novi Grad Sarajevo.

6. "Podrška za uvođenje certifikata, međunarodnih standarda i dr.": Privredna društva s teritorije općine Novi Grad Sarajevo, a koji za potrebe poboljšanja poslovanja ili izvoza trebaju obezbijediti certificirane proizvode i/ili usluge, odnosno ojačati poslovne performanse.
7. "Podrška očuvanju starih tradicionalnih zanata, obrta i deficitarnih zanimanja": Sektor starih tradicionalnih zanata, obrta i deficitarnih zanimanja na tržištu rada općine Novi Grad Sarajevo i Kantona Sarajevo.
8. "Promocija privrede i lokalnog ekonomskog razvoja": poslovni sektor i lokalna zajednica.
9. "Projekti od značaja za lokalni ekonomski razvoj": Svi korisnici od značaja za provedbu programa ili projekta u svrhu lokalnog ekonomskog razvoja, a po prijedlogu Službe za privredu i lokalni ekonomski razvoj.

#### Član 6.

(Procedure)

Podsticajne mjere koje se provode putem javnih poziva:

- Podsticaj privrednim društvima putem regresiranja dijela kamatne stope
- Podsticaj START UP kompanijama putem regresiranja kamatne stope i uz mogućnost korištenja kreditno-garantnog fonda
- Sufinansiranje obuke nezaposlenih osoba za poznatog poslodavca
- Sufinansiranje troškova samostalnih poduzetnika - početnika u biznisu
- Podrška za uvođenje certifikata, međunarodnih standarda i dr.

Podsticajna mjera koja se provodi za privredna društva i samostalne poduzetnike sa teritorije općine Novi Grad sa odabrane liste Službe za zapošljavanje KS nakon provedenog javnog poziva:

- Sufinansiranje zapošljavanja pripravnika

Podsticajne mjere na osnovu podnesenih zahtjeva za zajedničko učešće ili podršku projektu:

- Podrška očuvanju starih tradicionalnih zanata, obrta i deficitarnih zanimanja
- Promocija privrede i lokalnog ekonomskog razvoja
- Mjere i projekti od značaja za lokalni ekonomski razvoj

Korisnici podsticajnih mjera sa Općinom Novi Grad Sarajevo zaključuju Ugovore kojim se regulišu međusobna prava i obaveze ugovornih strana.

#### Član 7.

(Posebni uslovi)

Općinski načelnik u roku od 30 dana od dana stupanja na snagu ove Odluke donosi Pravilnik, a na prijedlog nadležne Službe, kojim propisuje posebne uslove, kriterije i način provedbe ove Odluke.

#### Član 8.

(Završne odredbe)

Ova Odluka stupa na snagu danom donošenja, objavljuje se na oglasnoj ploči Općine Novi Grad Sarajevo i u "Službenim novinama Kantona Sarajevo".

Broj 01-02-5119/18  
27. februara 2018. godine  
Sarajevo

Predsjedavajući  
Općinskog vijeća  
Dr. Rusmir Baljić, s. r.

Na osnovu člana 33. Statuta Općine Novi Grad Sarajevo ("Službene novine Kantona Sarajevo", broj 30/09 - Novi prečišćeni tekst i 2/17), člana 14. stav 4. Zakona o eksproprijaciji ("Službene novine Federacije BiH", br. 70/07, 36/10, 25/12 i 34/16), u postupku utvrđivanja javnog interesa za izgradnju IX transverzale od ulice Džemala Bijedića do ulica Safeta Zajke i Smaje Šikala sa izgradnjom kružne raskrsnice i spojem sa Gradskim autoputem, Općinsko vijeće Novi Grad Sarajevo, na 14. sjednici održanoj dana 27.02.2018. godine, donosi